

水經注

九冊

和装本

ル 5

114

9



呂
114
9

水經注卷十八

水經注卷十八

後魏酈道元撰

所錢支
有物那

渭水案近刻前卷表目作渭水上此作渭水中

又東過武功縣北

渭水于縣斜水自南來注之案近刻脫來字水出縣西南衙

嶺山北歷斜谷逕五丈原東諸葛亮與步騭書曰僕

前軍在五丈原原在武功西十里餘水出武功縣故

亦謂之武功水也是以諸葛亮表云臣遣虎步監孟

琰據武功水東司馬懿因水長攻琰營臣作竹橋越

水經注

卷十八 渭水

水射之橋成馳去其水北流注于渭地理志曰斜水出衙嶺北至郿注渭渭水又東逕馬冢北諸葛亮與步騭書曰馬冢在武功東十餘里有高勢攻之不便是以畱耳渭水又逕武功縣故城北王莽之新光也地理志曰縣有太一山古文以爲終南杜預以爲中南也亦曰太白山在武功縣南去長安二百里不知其高幾何俗云武功太白去天三百山下軍行不得鼓角鼓角則疾風雨至杜彥達曰太白山南連武功山于諸山最爲秀傑冬夏積雪望之皓然山上有谷

春祠春櫟陽人成帝時病死而尸不寒後忽出櫟南門及光門上而入太白山民爲立祠于山嶺春秋來祠中上宿焉山下有太白祠民所祀也劉曜之世是山崩長安人劉終于崩所得白玉方一尺有文字曰皇亡皇亡敗趙昌井水竭構五梁罟酉小衰困囂喪嗚呼嗚呼赤牛奮鞞其盡平時羣官畢賀中書監劉均進曰此國滅之象其可賀乎終如言矣渭水又東溫泉水注之水出太一山其水沸涌如湯杜彥達曰可治百病世清則疾愈世濁則無驗其水下合溪流

北注十三里入渭渭水又東逕釐縣故城南舊郃城也后稷之封邑矣詩所謂卽有郃家室也

案卽原本訛在詩字

上城東北有姜嫄祠城西南百步有稷祠郃之釐亭也王少林之爲郃縣也路逕此亭亭長曰亭凶殺人少林曰仁勝凶邪何鬼敢忤遂宿夜中聞女子稱冤之聲少林曰可前來理女子曰無衣不敢進少林投衣與之女子前訴曰妾夫爲涪令之官過宿此亭爲亭長所殺少林曰當爲理寢冤勿復害良善也因解衣于地忽然不見明告亭長遂服其事亭遂清安渭

水又東逕雍縣南雍水注之水出雍山東南流歷中牟溪世謂之中牟水亦曰冰井水南流逕胡城東俗名也蓋秦惠公之故居所謂祈年宮也孝公又謂之爲橐泉宮按地理志曰在雍崔駰曰穆公冢在橐泉宮祈年觀下皇覽亦言是矣劉向曰穆公葬無丘壟處也史記曰穆公之卒從死者百七十七人良臣子車氏奄息仲行鍼虎亦在從死之中秦人哀之爲賦黃鳥焉余謂崔駰及皇覽謬志也

案所得白玉至此句謬字止共四百

三十七字近刻脫落據原本補

惠公孝公竝是穆公之後繼世之君

矣子孫無由起宮于祖宗之墳陵矣以是推之知二
 證之非實也雍水又東案近刻脫此四字左會左陽
 水世名之西水水北出左陽溪南流逕岐州城西魏
 置岐州刺史治左陽水又南流注于雍水雍水又與
 東水合俗名也北出河桃谷南流右會南源世謂之
 返眼泉亂流南逕岐州城東而南合雍水州居二水
 之中南則兩川之交會也世亦名之為萍空水東流
 鄧公泉注之水出鄧艾祠北故名曰鄧公泉數源俱
 發于雍縣故城南案近刻脫故字縣故秦德公所居也晉書

地道記以為西虢地也漢書地理志以為西虢縣太
 康地記曰案近刻脫故字虢叔之國矣有虢宮平王東遷叔
 自此之上陽為南虢矣雍有五時祠以上祠祀五帝
 昔秦文公田于汧渭之間夢黃蛇自天下屬地其口
 止于鄜衍以為上帝之神于是作鄜時祀白帝焉案近
刻作祠秦宣公作密時于渭南案近刻作于祀青帝
白帝焉靈公又于吳陽作上時祀黃帝作下時案近刻脫
此六字祀炎帝焉獻公作畦時于櫟陽而祀白帝案近刻作
赤帝焉案近刻作漢高帝問曰天有五帝今四何也案近刻作博

士莫知其故帝曰我知之矣待我而五遂立北時祀
 黑帝焉應劭曰四面積高曰雍闕駟曰宜為神明之
 輿故立羣祠焉又有鳳臺鳳女祠秦穆公時有簫史
 者善吹簫能致白鵠孔雀穆公女弄玉好之公為作
 鳳臺以居之積數十年一旦隨鳳去云雍宮世有簫
 管之聲焉今臺傾祠毀不復然矣鄧泉東流注于雍
 自下雖會他津猶得通稱故禹貢有雍沮會同之文
 矣案此句舛誤雍水又東逕召亭南世謂之樹亭川蓋召
 樹聲相近誤耳亭故召公之采邑也京相璠曰亭在

周城南五十里後漢郡國志曰郿縣有召亭謂此也

雍水又東南流與橫水合

案橫近刻訛作杜

水出杜陽山其

水南流謂之杜陽川東南流左會漆水水出杜陽縣
 之漆溪謂之漆渠故徐廣曰漆水出杜陽之岐山者
 是也漆渠水南流大巒水注之案巒近刻作巒水出西北大

道川東南流入漆即故岐水也淮南子曰岐水出石

橋山東南流相如封禪書曰收龜于岐漢書音義曰

岐水名也謂斯水矣二川并逝

案并近刻訛作洋

俱為一水

南與橫水合自下通得岐水之目

案近刻脫此八字

俗謂之

小橫水亦或名之米流川逕岐山西案近刻訛作而又屈逕

周城南城在岐山之陽而近西所謂居岐之陽也非

直因山致名亦指水取稱矣又歷周原下北則中水

鄉成周聚故曰有周也水北即岐山矣昔秦盜食穆

公馬處也岐水又東逕姜氏城南為姜水按世本炎

帝姜姓帝王世紀曰炎帝神農氏姜姓案近刻脫姓字母女

登案女近刻訛作安游華陽感神而生炎帝長于姜水是其

地也東注雍水雍水又南案近刻脫此十二字訛作水合而東四字逕美

陽縣之中亭川合武水案近刻脫此三字中亭川下有也字係訛舛衍文水

發杜陽縣大嶺側東西三百步南北二百步案此十

訛在下世謂之故縣川上世謂之赤泥峴浴波歷澗俗各大橫水

也疑即杜水矣其水東南流東逕杜陽縣故城案近刻脫

縣字世謂之故縣川又故號縣有杜陽山案號近刻訛作谷山

北有杜陽谷有地穴北入亦不知所極在天柱山南

故縣取名焉亦指是水而攝目矣即王莽之通杜也

故地理志曰縣有杜水案有近刻訛作自杜水又東案近刻脫杜水

又三字二坑水注之水有二源一水出西北與瀆魃水

合而東案近刻脫與字合上行二字歷五將山又合鄉谷水水出

鄉溪東南流入杜水案近刻謂之鄉谷川又南莫水

注之案莫近刻水出好時縣梁山案近刻南大嶺東訛作泉

逕梁山宮西故地理志曰好時有梁山宮秦始皇起

水東有好時縣故城王莽之好邑也世祖建武二年

封建威大將軍耿弇為侯國又南逕美陽縣之中亭案近

川注雍水謂之中亭水雍水又南逕美陽縣西刻脫

雍水案近刻訛作章和二年案近刻訛作更封彰侯耿秉為侯國

案彰近刻訛作案此下原本及其水又南流注于渭近刻竝雜入渭

鄣案此下原本及下衍雍字近刻竝雜入渭水又東逕郿塢南至其愚如此共五十三字今渭水訂正移前與渭水東逕郿縣故城南相比次

又東洛谷之水出其南山洛谷北流逕長城西魏甘

露三年蜀遣姜維出洛谷圍長城即斯地也

又東芒水從南來流注之

芒水出南山芒谷案近刻北流逕玉女房水側山際脫山字

有石室世謂之玉女房芒水又北逕蓋屋縣之竹園

中分為二水漢沖帝詔曰翟義作亂于東霍鴻負倚

蓋屋芒竹即此也其水分為二流一水東北為枝流

案水下近刻衍之字一水北流注于渭也

水經注卷十八

水經注卷十九

後魏酈道元撰

渭水案近刻作渭水下經文上復衍渭水二字

又東過槐里縣南又東澇水從南來注之

渭水逕縣之故城南漢書集注李奇謂之小槐里縣

之西城也案近刻脫縣字又東與芒水枝流合水受芒水于

竹園東北流又屈而北入于渭案近刻脫北字渭水又東北

逕黃山宮南案此十字原本及近刻並訛作經考黃山宮及就水田溪水皆在槐里縣西不

得與經潘即地理志所云縣有黃山宮惠帝二年起案今改正

者也案二近刻東方朔傳曰武帝微行西至黃山宮

故世謂之遊城也案近刻也上就水注之案此四字原本及近

刻竝訛水出南山就谷北逕大陵西世謂之老子陵

昔李耳為周柱史以世衰入戎于此有冢事非經證

然莊周著書云老聃死秦失弔之三號而出是非不

死之言人稟五行之精氣陰陽有終變亦無不化之

理以是推之或復如傳古人許以傳疑故兩存耳就

水歷竹園北案近刻與黑水合水上承三泉案近刻

脫竹字就水之右三泉奇發言歸一瀆北流左注就水

案注近刻就水又北流注于渭渭水又東合田溪水

訛作逕水出南山田谷北流逕長楊宮西

案此八字原本及又北逕整屋縣故城西又東北與一水合水

近刻竝訛作經上承整屋縣南源案近刻訛作北逕其縣東又北逕

脫逕字思鄉城西又北注田溪田溪水又北流注于渭水也

縣北有蒙龍渠案近刻訛作縣上承渭水于郿縣東

逕武功縣為成林渠案此有脫誤漢書地理志右扶

至山林苑東逕縣北案近刻訛亦曰靈軹渠案渠近

為蒙龍渠源河渠書以為引堵水案近刻脫徐廣曰一作諸川

案近刻是也渭水又東逕槐里縣故城南案此十一字原本及

近刻竝訛作經今考小槐里至縣古犬丘邑也周懿

王都之案懿近刻秦以為廢丘亦曰舒丘中平元年

靈帝案中平近刻訛作和封左中郎將皇甫嵩為侯

國縣南對渭水北背通渠史記秦本紀云秦武王三

年渭水赤三日秦昭王三十四年渭水又大赤三日

洪範五行傳云赤者火色也水盡赤以火沴水也渭

水秦大川也陰陽亂秦用嚴刑敗亂之象後項羽入

秦封司馬欣為塞王都櫟陽董翳為翟王都高奴章

邯為雍王都廢丘為三秦漢祖北定三秦引水灌城

遂滅章邯三年改曰槐里王莽更名槐治也世謂之

為大槐里晉太康中始平郡治也其城遮帶防陸舊

渠尚存即漢書所謂槐里環堤者也東有漏水案漏

作近刻出南山赤谷東北流逕長楊宮東宮有長楊樹因

以為名漏水案近刻訛又北歷葦圃西案近刻訛作

亦謂之仙澤又北逕望仙宮又東北耿谷水注之水

發南山耿谷北流與柳泉合東北逕五柞宮西長楊

五柞二宮案近刻脫相去八里竝以樹名宮亦猶陶

氏以五柳立稱故張晏曰宮有五柞樹在整屋縣西

其水北逕仙澤東又北案近刻訛逕望仙宮東又北

與赤水會又北逕思鄉城東又北注渭水渭水又東

合甘水案此七字原本及近刻並訛作經水出南山甘谷北逕秦文

王萇陽宮西又北逕五柞宮東又北逕甘亭西在水

東鄠縣昔夏啓伐有扈作誓于是亭故馬融曰甘有

扈南郊地名也案甘字近刻訛在扈字下甘水又東得澇水口水

出南山澇谷北逕漢宜春觀東又北案又字近刻訛在東字上逕

鄠縣故城西澇水際城北出合美陂水水出宜春觀

北東北流注澇水澇水北注甘水而亂流入于渭案近

刻脫澇水二字又脫注甘水而亂五字即上林故地也東方朔稱武帝

建元中微行北至池陽西至黃山南獵長楊東遊宜

春夜漏十刻乃出與侍中常侍武騎待詔及隴西北

地良家子能騎射者期諸殿下故有期門之號旦明

入山下馳射鹿豕狐兔手格熊羆上大驩樂之上乃

使大中大夫虞丘壽王案乃近刻訛作仍與待詔能用算者

舉籍阿城以南整屋以東宜春以西提封頃畝及其

賈直屬之南山以為上林苑東方朔諫秦起阿房而

天下亂因陳泰階六符之事上乃拜大中大夫給事中賜黃金百斤卒起上林苑故相如請為天子遊獵之賦稱烏有先生亡是公而奏上林也

又東豐水從南來注之

豐水出豐溪西北流分為二水一水東北流為枝津

一水西北流又北交水自東入焉又北昆明池水注

之又北逕靈臺西又北至石墩注于渭案近刻脫此五十五字

地說云案地近刻訛作他渭水又東與豐水會于短陰山內

水會無他高山巽巒所有惟原阜石激而已水上舊

有便門橋與便門對直武帝建元三年造案近刻訛作建武三

年造張昌曰橋在長安西北茂陵東如淳曰去長安四

十里渭水又逕太公廟北廟前有太公碑案近刻文脫廟字

字褫缺今無可尋渭水又東北與鄠水合案此九字原本及近

刻竝訛作經水上承鄠池于昆明池北周武王之所都也

故詩云考卜維王宅是鄠京維龜正之武王成之自

漢武帝穿昆明池于是地案近刻脫武字基構淪褫今無可

究春秋後傳曰使者鄭容入柏谷關至平舒置見華

山有素車白馬問鄭容安之荅曰之咸陽車上人曰

案近刻訛作吾華山君使願託書致鄙池君子之咸

過鑄池曰陽過鄙池見大梓下有文石取以款列梓案列近刻訛作扣

當有應者以書與之勿妄發致之得所欲鄭容行至

鄙池見一梓下果有文石取以款梓應曰諾鄭容如

睡覺而見宮闕若王者之居焉謁者出受書入有頃

案近刻訛作又見頃聞語聲言祖龍死神道茫昧理難辨測故

無以精其幽致矣鄙水又北流西北注與澠池合水

出鄙池西而北流入于鄙毛詩云澠流浪也而世傳

以為水名矣鄭元曰豐鄙之閒水北流也鄙水北逕

清泠臺西案清泠近刻訛作漢靈又逕磁石門西門在阿房前

悉以磁石為之故專其目令四夷朝者有隱甲懷刃

入門而脅之以示神故亦曰卻胡門也鄙水又北注

于渭案注近刻訛作逕渭水北有杜郵亭去咸陽十七里今

名孝里亭中有白起祠嗟乎有制勝之功慚尹商之

仁是地即其伏劍處也渭水又東北逕渭城南案此九字

原本及近刻訛作經文穎以為故咸陽矣秦孝公之所居離

宮也獻公都櫟陽天雨金周太史儋見獻公曰周故

與秦國合而別別五百歲復合合七十歲而霸王出

至孝公作咸陽築冀闕而徙都之故西京賦曰秦里

其朔案朔近刻訛作霸寔為咸陽太史公曰長安故咸陽也

漢高帝更名新城武帝元鼎三年別為渭城在長安

西北渭水之陽王莽之京城也始隸扶風後并長安

南有次水注之案此六字原本及近刻竝訛作經次竝訛作沈下同考鄭縣東別有沈水

此乃瀟水也為關中入川之一從穴不從宀水上承皇子陂于樊川案水字上

近刻衍其地即杜之樊鄉也漢祖至櫟陽以將軍樊

噲灌廢丘最賜邑于此鄉也其水西北流逕杜縣之

杜京西案逕近刻訛作注西北流逕杜伯冢南杜伯與其友

左儒仕宣王儒無罪見害杜伯死之終能報恨于宣

王故成公子安五言詩曰誰謂鬼無知杜伯射宣王

次水又西北逕下杜城即杜伯國也次水又西北枝

合故渠渠有二流上承交水合于高陽原而北逕河

池陂東而北注次水次水又北與昆明故池會又北

逕秦通六基東又北逕塢水陂東又北得陂水水上

承其陂案近刻訛作得陂承其陂東北流入于次水次水又北逕

長安城西與昆明池水合水上承池于昆明臺故王

仲都所居也桓譚新論稱元帝被病廣求方士漢中

送道士王仲都詔問所能對曰能忍寒暑乃以隆冬

盛寒日令袒載駟馬于上林昆明池上環冰而馳案近

刻脫隆冬至上林十三字御者厚衣狐裘寒戰而仲都獨無變色

臥于池臺上曛然自若夏大暑日使曝坐環以十爐

火不言熱又身不汗池水北逕鄠京東秦阿房宮西

史記曰秦始皇三十五年以咸陽人多案人上近刻有之字先

王之宮小乃作朝宮于渭南亦曰阿城也始皇先作

前殿阿房可坐萬人下可建五丈旗周馳為閣道自

殿直抵南山案抵下近刻衍城字表山巔為闕為復道自阿房

度渭屬之咸陽象天極閣道絕漢抵營室也關中記

曰阿房殿在長安西南二十里殿東西千步南北三

百步庭中受十萬人其水又屈而逕其北東北流注

塌水陂陂水北出逕漢武帝建章宮東于鳳闕南東

注泔水泔水又北逕鳳闕東三輔皇圖曰建章宮漢

武帝造周二十餘里千門萬戶其東鳳闕高七丈五

尺俗言貞女樓案貞近刻訛作真非也漢武帝故事云闕高

二十丈關中記曰建章宮圓闕臨北道有金鳳在闕

上高丈餘故號鳳闕也故繁欽建章鳳闕賦曰案鳳下近

刻衍樓字秦漢規模廓然毀泯惟建章鳳闕巋然獨存雖

非象魏之制亦一代之巨觀也次水又北分爲二水

一水東北流一水北逕神明臺東傳子宮室曰上于

建章中作神明臺并榦樓咸高五十餘丈皆作懸閣

輦道相屬焉三輔黃圖曰神明臺在建章宮中上有

九室今人謂之九子臺即實非也案即近刻訛作而次水又

逕漸臺東漢武帝故事曰建章宮北有太液池池中

有漸臺三十丈漸浸也爲池水所漸一說星名也南

有璧門三層高二十餘丈中殿十二間階陛咸以玉

爲之鑄銅鳳五丈飾以黃金樓屋上椽首薄以玉璧

因曰璧玉門也次水又北流注渭亦謂是水爲滴水

也故呂忱曰滴水出杜陵縣漢書音義曰滴水聲而

非水也亦曰高都水前漢之末王氏五侯大治池宅

案近刻訛作沼引次水入長安城案次近刻訛作他故百姓歌之曰

五侯初起曲陽最怒壞決高都竟連五杜土山漸臺

像西白虎即是水也

又東過長安縣北

渭水東分爲二水廣雅曰水自渭出爲渠其猶河之

有雍也此瀆東北流逕魏雍州刺史郭淮碑南又東南合一水逕兩石人北秦始皇造橋鐵鑿重不勝故刻石作力士孟賁等像以祭之鐵乃可移動也又東逕陽侯祠北漲輒祠之此神能為大波故配食河伯也後人以為鄧艾祠悲哉讒勝道消專忠受害矣此水又東注渭水案近刻訛作渭水又東注此水上有梁謂之渭橋秦制也亦曰便門橋秦始皇作離宮于渭水南北以象天宮故三輔黃圖曰渭水貫都以象天漢橫橋南度以法牽牛南有長樂宮北有咸陽宮欲通二宮之

閒故造此橋案近刻脫南有至造此共十九字廣六丈南北三百八

十步案三百近刻訛作二百六十八間七百五十柱百二十二

梁橋之南北有堤激立石柱柱南京兆主之案主近刻訛作

立下柱北馮翊主之有令丞各領徒千五百人橋之

北首壘石水中故謂之石柱橋也舊有村畱神像此

神嘗與魯班語班令其人出村畱曰我貌很醜卿善

圖物容我不能出班于是拱手與言曰出頭見我村

畱乃出首班于是以腳畫地村畱覺之便還沒水故

置其像于水惟背以上立水上後董卓入關遂焚此

水經注 卷十六
橋魏武帝更脩之

案更上近刻
刻衍遂字橋廣三丈六尺

村畱之像曹公乘馬見之驚又命下之燕丹子曰燕

太子丹質于秦秦王遇之無禮乃求歸秦王為機發

之橋欲以陷丹丹過之橋不為發又一說交龍扶輦

而機不發案扶近刻作捧但言案此下有脫文今不知其故處也渭

水又東與泚水枝津合案此十字原本及近刻
訛作經泚亦訛作沈水上

承泚水東北流逕鄧艾祠南又東分為二水一水東

入逍遙園注藕池池中有臺觀蓮荷被浦秀實可翫

其一水北流注于渭案近刻
脫注字渭水又東逕長安城北

案此九字原本及
近刻並訛作經漢惠帝元年築六年成即咸陽也

秦離宮無城故城之王莽更名常安案常近刻
訛作長十二

門東出北頭第一門本名宣平門王莽更名春王門

正月亭一曰東都門案一近
刻作亦其郭門亦曰東都門即

逢萌挂冠處也第二門本名清明門一曰凱門王莽

更名宣德門布恩亭案各近
刻作目內有藉田倉亦曰藉田

門第三門本名霸城門王莽更名仁壽門無疆亭民

見門色青又名青城門或曰青綺門亦曰青門門外

舊出好瓜昔廣陵人邵平為秦東陵侯秦破為布衣

種瓜此門瓜美故世謂之東陵瓜是以阮籍詠懷詩云昔聞東陵瓜近在青門外連畛拒阡陌子母相鉤帶指謂此門也南出東頭第一門本名覆盎門王莽更名永清門長茂亭其南有下杜城應劭曰故杜陵之下聚落也故曰下杜門又曰端門北對長樂宮第二門本名安門亦曰鼎路門王莽更名光禮門顯樂亭北對武庫案近刻脫此四字第三門本名平門又曰便門案此四字近刻說在後光華門也下王莽更名信平門誠正亭一曰西安門北對未央宮案此十字近刻說在顯樂亭下西出南頭第一門

本名章門王莽更名萬秋門億年亭亦曰光華門也

案華近刻第二門本名直門王莽更名直道門端路

訛作畢亭故龍樓門也張晏曰門樓有銅龍三輔黃圖曰長

安西出第二門即此門也第三門本名西城門亦曰

雍門王莽更名章義門著義亭案義近刻作誼其水北入有

函里民名曰函里門案民近刻說作氏又此句之下衍又曰光門四字亦曰

突門北出西頭第一門本名橫門王莽更名霸都門

左幽亭如淳曰音光故曰光門其外郭有都門有棘

門徐廣曰棘門在渭北孟康曰在長安北秦時宮門

也如淳曰三輔黃圖曰棘門在橫門外按漢書徐厲

軍于此備匈奴又有通門亥門也案此下近刻衍其字第二門

本名廚門案近刻訛作洛門又曰朝門王莽更名建子門廣

世亭一曰高門蘇林曰高門長安城北門也案此下近刻衍

一曰廚門四字其內有長安廚官在東故名曰廚門也案近刻東

訛作事各訛作城如淳曰今名廣門也第三門本名杜門亦

曰利城門王莽更名進和門臨水亭其外有客舍故

民曰客舍門案近刻外訛作水民訛作各又曰洛門也凡此諸門

皆通達九達三途洞開隱以金椎周以林木左出右

入為往來之徑行者升降有上下之別漢成帝之為

太子元帝嘗急召之太子出龍樓門不敢絕馳道西

至直城門方乃得度上怪遲問其故以狀對上悅乃

著令令太子得絕馳道也渭水東合昆明故渠渠上

承昆明池東口東逕河池陂北案近刻脫陂字亦曰女觀陂

又東合泔水亦曰漕渠又東逕長安縣南東逕明堂

南舊引水為辟雍處在鼎路門東南七里其制上圓

下方九宮十二堂案近刻訛作室四嚮五室案近刻訛作色堂北三

百步有靈臺是漢平帝元始四年立案元始近刻訛作永始渠

南有漢故園丘成帝建始二年罷雍五時始祀皇天
上帝于長安南郊應劭曰天郊在長安南卽此也故
渠之北有白亭博望苑漢武帝爲太子立使通賓客
從所好也太子巫蠱事發斫杜門東出史良娣死葬
于苑北宣帝以爲戾園以倡優千人樂思后園廟故
亦曰千鄉故渠又東而北屈逕青門外與泚水枝渠
會渠上承泚水于章門西飛渠引水入城東爲倉池
池在未央宮西池中有漸臺漢兵起王莽死于此臺
又東逕未央宮北高祖在關東令蕭何成未央宮何

斬龍首山而營之山長六十餘里頭臨渭水

案臨近刻訛作

于脫水字

尾達樊川頭高二十丈尾漸下高五六丈土色

赤而堅云昔有黑龍從南山出飲渭水其行道因山
成跡山卽基闕不假築高出長安城北有元武闕卽
北闕也東有蒼龍闕闕內有閭闔止車諸門未央殿
東有宣室玉堂麒麟含章白虎鳳皇朱雀鸞鸞昭陽
諸殿天祿石渠麒麟三閣未央宮北卽桂宮也周十
餘里內有明光殿走狗臺柏梁臺舊乘複道用相逕
通故張衡西京賦曰鉤陳之外閣道穹隆屬長樂與

明光案隆近刻作逕北通于桂宮故渠出二宮之間

謂之明渠也又東歷武庫北舊樛里子葬于此樛里

子名疾秦惠王異母弟也滑稽多智秦人號曰智囊

葬于昭王廟西渭南陰鄉樛里故俗謂之樛里子云

我百歲後是有天子之宮夾我墓疾以昭王七年卒

案疾近刻葬于渭南章臺東至漢長樂宮在其東未

央宮在其西武庫直其墓秦人嘯曰力則任鄙智則

樛里是也明渠又東逕漢高祖長樂宮北本秦之長

樂宮也周二十里殿前列銅人殿西有長信長秋永

壽永昌諸殿殿之東北有池池北有層臺俗謂是池

為酒池非也故渠北有樓豎漢京兆尹司馬文預碑

案近刻故渠又東出城分為二渠即漢書所謂王渠

者也蘇林曰王渠官渠也案近刻猶今御溝矣

晉灼曰渠名也在城東覆盎門外案覆盎門近一水

逕楊橋下即青門橋也側城北逕鄧艾祠西而北注

渭今無水其一水右入昆明故渠案近刻脫水右東

逕奉明縣廣城鄉之廉明苑南案廉近刻史皇孫及

王夫人葬于郭北宣帝遷苑南案此下近刻衍史王

卜以為悼園益園民千六百家立奉明縣以奉二園
 園在東都門昌邑王賀自霸御法駕郎中令龔遂驂
 乘至廣明東都門是也故渠東北逕漢太尉夏侯嬰
 冢西葬日樞馬悲鳴輕車罔進下得石槨銘云于嗟
 滕公居此室案其內有長安尉官至此原本訛在故
 後今斯原夾二水也下朱謀瑋移此
 遂葬焉冢在城東八里飲馬橋南四里故時人謂之
 馬冢故渠又北分為二渠東逕虎圈南而東入霸一
 水北合渭今無水案故遂葬焉至此原本訛在後陵
 之西如北一里西字下近刻多從
 朱謀瑋本截謂之馬冢以上二十三字移于此餘仍
 舊今考故渠又北以下乃注內敘昆明故渠所終朱

氏不
察耳

又東過霸陵縣北霸水從縣西北流注之

案長安故城
在今長安縣

西北霸陵故城在今咸寧縣東鄭縣故城在今華州北
 而華陰又在其東渭水西來由長安霸陵鄭縣乃至華
 陰入河原本經文于長安之後次華陰次鄭縣次霸陵
 接以東入于河近刻多從朱謀瑋本長安之後次鄭縣
 次華陰次霸陵皆失之注內訛舛尤甚其所敘成國等
 渠散在數處漫無首尾紛糾難理今悉以地之方向比
 次推勘為
 之是正

霸者水上地名也

案者字近刻
訛在水字下

古曰滋水矣秦穆公

霸世更名滋水為霸水以顯霸功水出藍田縣藍田

谷所謂多玉者也西北有銅谷水

案谷近刻
訛作公

次東有

輞谷水 案輞近刻 二水合而西注 案近刻下 又西流

入湓水 案湓近刻 湓水又西逕嶢關北歷嶢柳城

案近刻 東西有二城魏置青湓軍于城內 案青近

清下 世亦謂之青湓城也秦二世三年漢祖入自武

關攻秦趙高遣將距于嶢關者也土地記曰藍田縣

南有嶢關地名嶢柳道通荊州晉地道記曰關當上

洛縣西北湓水又西北流入霸霸水又北歷藍田川

逕藍田縣東 案近刻 竹書紀年梁惠成王三年 案近

成 秦子向命為藍君蓋子向之故邑也川有漢臨江

王榮冢景帝以罪徵之將行祖于江陵北門車軸折

父老泣曰吾王不反矣榮至中尉郵都急切責王王

年少恐而自殺葬于是川有燕數萬銜土置冢上百

姓矜之霸水又左合澧水歷白鹿原東即霸川之西

故芷陽矣史記秦襄王葬芷陽者是也 案是字近刻

謂之霸上漢文帝葬其上謂之霸陵上有四出道以

瀉水在長安東南三十里故王仲宣賦詩云南登霸

陵岸迴首望長安漢文帝嘗欲從霸陵上西馳下峻

坂 案近刻 袁盎攬轡于此處上曰將軍怯也盎曰

臣聞千金之子坐不垂堂百金之子立不倚衡聖人
 不乘危今馳不測如馬驚車敗奈高廟何上乃止霸
 水又北長水注之水出杜縣白鹿原案近刻訛作源其水西
 北流謂之荆溪案此下近刻衍溪水二字又西北左合狗枷川水
 水有二源西川上承魄山之斫磐谷次東有苦谷二
 水合而東北流逕風涼原西關中圖曰麗山之西川
 中有阜名曰風涼原在魄山之陰雍州之福地卽是
 原也案近刻脫也字其水傍溪北注原上有漢武帝祠其水
 右合東川水出南山之石門谷次東有孟谷案近刻脫次東

有三次東有大谷次東有雀谷次東有土門谷案近刻脫
次五水北出谷案近刻脫出字西北歷風涼原東又北與西
 川會原爲二水之會亂流北逕宣帝許后陵東案此下近
刻衍而字北去杜陵十里斯川于是有狗枷之名川東亦
 曰白鹿原也上有狗枷堡三秦記曰麗山西有白鹿
 原原上有狗枷堡秦襄公時有大狗來下有賊則狗
 吠之案此下近刻衍故字一堡無患故川得厥目焉川水又北
 逕杜陵東元帝初元元年葬宣帝杜陵北去長安五
 十里陵之西北有杜縣故城秦武公十一年縣之漢

宣帝元康元年以杜東原上為初陵更名杜縣為杜

陵案此下近刻衍也字王莽之饒安也其水又北注荆溪荆溪

水又北逕霸縣案逕近刻訛作入又有溫泉入焉水發自原

下入荆溪水亂流注于霸俗謂之漚水非也史記音

義文帝出安門注云在霸陵縣有故亭即郡國志所

謂長門亭也史記云霸漚長水也雖不在祠典以近

咸陽秦漢都涇渭長水盡得比大川之禮昔文帝居

霸陵北臨厠指新豐路示慎夫人曰此走邯鄲道也

因使慎夫人鼓瑟上自倚瑟而歌悽愴悲懷顧謂羣

臣曰以北山石為榭用紵絮斲陳漆其間豈可動哉

釋之曰使其中有可欲雖錮南山猶有隙使無可欲

雖無石榭又何戚焉文帝曰善拜廷尉韋昭曰高岸

夾水為厠今斯原夾二水也案又東過霸陵縣北至此原本訛在後漚水又

北注于渭之後朱謀埠本訛在又逕漚原東南注于渭之後今改正霸水又北會兩

川又北故渠右出焉案渠右近刻訛作源左霸水又北逕王莽

九廟南王莽地皇元年博徵天下工匠壞撤西苑建

章諸宮館十餘所取材瓦以起九廟算及吏民以義

入錢穀助成九廟廟殿皆重屋太初祖廟東西南北

各四十丈高十七丈餘廟半之為銅薄櫨飾以金銀
雕文窮極百工之巧禡高增下功費數百巨萬卒死
者萬數霸水又北逕枳道在長安縣東十三里王莽
九廟在其南漢世有白蛾羣飛案蛾近刻 訛作鶯自東都門
過枳道案過下近 刻有于字呂后祓除于霸上還見倉狗戟脅
于斯道也水上有橋謂之霸橋地皇三年霸橋木炭
自東起卒數千以水汎沃救不滅晨熾夕盡王莽惡
之下書曰甲午火橋乙未立春之日也予以神明聖
祖黃虞遺統受命至于地皇四年為十五年正以三

年終冬案近刻脫聖祖于 正以共二十字絕滅霸駁之橋欲以興成

新室統一長存之道其名霸橋案近刻 脫橋字為長存橋霸

水又北左納漕渠絕霸右出焉東逕霸城北又東逕

子楚陵北皇甫謐曰秦莊王葬于芷陽之麗山案芷 陽近

刻訛作 芒蕩京兆東南霸陵山劉向曰莊王大其名立墳

者也戰國策曰莊王字異人更名子楚故世人猶以

子楚名陵又東逕新豐縣右會故渠渠上承霸水案 近

刻脫一 渠字東北逕霸城縣故城南案霸城縣近 刻脫城字漢文帝

之霸陵縣也案陵下近 刻衍漢字王莽更之曰水章魏明帝景

初元年案近刻訛作文徙長安金狄重不可致因畱

霸城南人有見薊子訓與父老共摩銅人曰正見鑄

此時計爾日已近五百年矣案近刻爾訛作其已訛作似故渠又

東北逕劉更始冢西更始二年為赤眉所殺故侍中

劉恭夜往取而埋之光武使司徒鄧禹收葬于霸陵

縣更始尚書僕射行大將軍事鮑永持節安集河東

聞更始死歸世祖累遷司隸校尉行縣經更始墓案經

近刻遂下拜哭盡哀而去帝問公卿大中大夫張湛

曰仁不遺舊忠不忘君行之高者帝乃釋案此下近刻衍之字

又東北逕新豐縣右合漕渠案右近刻漢大司農鄭

當時所開也以渭難漕命齊水工徐伯發卒穿渠引

渭其渠自昆明池案其渠近刻南傍山原東至于河

且田且漕大以為便今無水案近刻脫霸水又北逕

秦虎圈東列士傳曰秦昭王會魏王魏王不行使朱

亥奉璧一雙秦王大怒置朱亥虎圈中亥瞋目視虎

背裂血出濺虎虎不敢動即是處也霸水又北入于

渭水渭水又東會成國故渠渠魏尚書左僕射衛臻

征蜀所開也號成國渠引以澆田案田上近其瀆上

承汧水于陳倉東東逕郿及武功槐里縣北渠左有

安定梁嚴冢碑碣尚存又東逕漢武帝茂陵南案近刻脫

又東故槐里之茂鄉也應劭曰帝自為陵案帝上近刻衍武字

在長安西北八十餘里漢武帝故事曰帝崩後見形

謂陵令薛平曰吾雖失勢猶為汝君柰何令吏卒上

吾陵磨刀劍乎自今以後可禁之平頓首謝因不見

推問陵傍果有方石可以為礪吏卒常盜磨刀劍霍

光欲斬之張安世曰神道茫昧不宜為法乃止故阮

公詠懷詩曰失勢在須臾帶劍上吾丘陵之西而北

一里案霸水又北會兩川至此句西字止原本訛在前于嗟滕公居此室下朱謀埠移此考其文義

前後皆敘成國故渠所逕也即李夫人冢冢形三成世謂之英陵

案英原本及近刻並訛作莢三輔黃圖云李夫人墓在茂陵西北一里俗名英陵夫人兄延

年知音尤善歌舞帝愛之每為新聲變曲聞者莫不

感動常侍上起舞歌曰北方有佳人絕世而獨立一

顧傾人城再顧傾人國寧不知傾城復傾國案復近刻訛作

與佳人難再得上曰世豈有此人乎平陽主曰延年

女弟上召見之妖麗善歌舞得幸早卒上憫念之以

后禮葬案后近刻訛作厚悲思不已賦詩悼傷故渠又東逕

茂陵縣故城南武帝建元二年置地理志曰宣帝縣

焉王莽之宣成也故渠又東逕龍泉北今人謂之溫

泉非也渠北故坂北即龍淵廟案北近刻訛作此如淳曰三

輔黃圖有龍淵宮今長安城西有其廟處案近刻訛作其處黃

蓋宮之遺也故渠又東逕姜原北渠北有漢昭帝陵

案陵上近刻有平字東南去長安七十里又東逕平陵縣故城

南地理志曰昭帝置王莽之廣利也故渠之南有竇

氏泉北有徘徊廟又東逕漢大將軍魏其侯竇嬰冢

南又東逕成帝延陵南案近刻脫東逕二字陵之東北五里即

平帝康陵坂也故渠又東逕渭陵南案近刻脫南字元帝永

光四年案永光近刻訛作永元以渭城壽陵亭原上為初陵詔

不立縣邑又東逕哀帝義陵南又東逕惠帝安陵南

案近刻脫東字陵北有安陵縣故城案此下近刻衍也字地理志曰惠

帝置王莽之嘉平也渠側有杜郵亭又東逕渭城北

地理志曰縣有蘭池宮秦始皇微行逢盜于蘭池今

不知所在案此下近刻有也字又東逕長陵南亦曰長山也案

之西而北一里而字起至此原本及近刻並訛在後

不得為湖縣西下今考文義亦敘成國故渠所逕上

下地望連比真有首尾秦名天子冢曰山漢曰陵故

後無所謂故渠者也

通曰山陵矣風俗通曰陵者天生自然者也今王公

墳壠稱陵春秋左傳曰南陵夏后臯之墓也春秋說

題辭曰丘者墓也冢者種也種墓也羅倚于山分卑

尊之名者也案亦曰長山也下原本及近刻竝接以

三秦記曰長城北有平原廣數百里民井汲巢居井深五十尺方接以秦名云云今訂正移于後故渠又東逕漢丞相周

勃冢南冢北有亞夫冢故渠東南謂之周氏曲又東

南逕漢景帝陽陵南案近刻脫陽字又東南注于渭今無水

渭水又東逕霸城縣北案近刻脫城字與高陵分水水南有

定陶恭王廟傳太后陵元帝崩傳昭儀隨王歸國稱

定陶太后後十年恭王薨子代為王徵為太子太子

即帝位立恭王寢廟于京師比宣帝父悼皇故事元

壽元年傅后崩合葬渭陵潘岳關中記漢帝后同塋

則為合葬不共陵也諸侯皆如之恭王廟在霸城西

北廟西北即傅太后陵不與元帝同塋渭陵非謂元

帝陵也蓋在渭水之南故曰渭陵也陵與元帝齊者

謂同十二丈也王莽奏毀傅太后冢冢崩壓殺數百

人開棺臭聞數里案近刻訛作月公卿在位皆阿莽旨入錢

帛遣子弟及諸生四夷凡十餘萬人操持作具助將

作掘傅后冢二旬皆平周棘其處以為世戒今其處積土猶高世謂之增墀又亦謂之增阜俗亦謂之成帝初陵處所未詳也渭水又逕平阿侯王譚墓北冢次有碑左則涇水注之渭水又東逕鄠縣西蓋隴西郡之鄠徙也渭水又東得白渠枝口又東與五丈渠合水出雲陽縣石門山謂之清水東南流逕黃嶽山西又南入葭翊縣歷原南出謂之清水口東南流絕鄭渠又東南入高陵縣逕黃白城西本曲梁宮也南絕白渠屈而東流謂之曲梁水又東南逕高陵縣故

城北東南絕白渠濱又東南入萬年縣謂之五丈渠

又逕藕原東南流注于渭

案故渠又東逕漢丞相周勃冢南至此原本及近刻竝訛在後白渠首起谷口尾入櫟陽是也今無水下考其文義仍敘成國故渠其入渭在景陵之東南渠自西而東逕漢諸陵先武帝茂陵次昭帝平陵次成帝延陵次元帝渭陵次哀帝義陵次惠帝安陵次高帝長陵次景帝陽陵據三輔黃圖所記茂陵在長安城西北八十里平陵在長安西北七十里延陵在扶風去長安六十二里渭陵在長安北五十六里義陵在扶風渭城西北原上去長安四十六里安陵在長安城北三十五里去長安十里長陵亦去長安城三十五里陽陵在長安城東北四十五里注文前後錯紊數處其脈絡條貫可尋又以渭水右逕新豐三輔黃圖諸陵里數參之無不昭合

縣故城北東與魚池水會水出麗山東北

案近刻北訛作也此

下又衍水字

本導源北流後秦始皇葬于山北水過而曲

行東注北轉始皇造陵取土其地汙深水積成池謂

之魚池也

案近刻訛作池

在秦皇陵東北五里周圍四里池

水西北流逕始皇冢北秦始皇大興厚葬營建冢壙

于麗戎之山一名藍田其陰多金其陽多玉始皇貪

其美名因而葬焉斬山鑿石下錮三泉

案錮近刻訛作涸

以

銅為槲旁行周迴三十餘里上畫天文星宿之象下

以水銀為四瀆百川五嶽九州具地理之勢宮觀百

官奇器珍寶充滿其中令匠作機弩有所穿近輒射

之以人魚膏為燈燭取其不滅者久之後宮無子者

皆使殉葬甚眾墳高五丈周迴五里餘作者七十萬

人積年方成而周章百萬之師已至其下乃使章邯

領作者以禦難弗能禁項羽入關發之以三十萬人

三十日運物不能窮關東盜賊銷槲取銅牧人尋羊

燒之火延九十日不能滅北對鴻門十里池水又西

北流水之西南有溫泉世以療疾三秦記曰麗山西

北有溫水祭則得入不祭則爛人肉俗云始皇與神

女遊而忤其旨神女唾之生瘡

案近刻脫遊而忤始其旨神女七字

皇謝之神女為出溫水後人因以澆洗瘡張衡溫泉賦序曰余出麗山觀溫泉浴神井嘉洪澤之普施乃為之賦云此湯也不使灼人形體矣池水又逕鴻門西又逕新豐縣故城東故麗戎地也高祖王關中太上皇思東歸故象舊里制茲新邑立城社樹枌榆令街庭若一分置豐民以實茲邑故名之為新豐也漢靈帝建寧三年改為都鄉封段熲為侯國後立陰槃城其水際城北出世謂是水為陰槃水案城北近刻訛作北城又脫出又北絕漕渠北注于渭案渠北近刻訛作槃溝渭水又東

逕鴻門北舊大道北下坂口名也案近刻訛作坂下坂名也右有

鴻亭案近刻訛作古有鴻亭漢書高祖將見項羽楚漢春秋曰

項王在鴻門亞父曰吾使人望沛公其氣衝天五色

采相繆案近刻脫采字或似龍或似雲非人臣之氣案近刻作相

可誅之案此下近刻有漢字高祖會項羽范增目羽羽不應樊

噲杖盾撞人入食豕肩于此羽壯之郡國志曰新豐

縣東有鴻門亭者也郭緣生述征記案近刻脫此三字或云

霸城南門曰鴻門也項羽將因會危高祖羽仁而弗

斷范增謀而不納項伯終護高祖以獲免既抵霸上

遂封漢王按漢書注鴻門在新豐東十七里則霸上
應百里按史記項伯夜馳告張良良與俱見高祖仍
使夜返考其道里不容得爾今父老傳在霸城南門
數十里于理為得按緣生此記雖歷覽史漢述行涂
經見可謂學而不思矣今新豐縣故城東三里有坂
長二里餘塹原通道南北洞開有同門狀謂之鴻門
孟康言在新豐東十七里無之蓋指縣治而言非謂
城也案城近刻
訛作地自新豐故城西至霸城五十里霸城
西十里則霸水西二十里則長安城應劭曰霸水上

地名在長安東二十里即霸城是也高祖舊停軍處
東去新豐既遠何由項伯夜與張良共見高祖乎推
此言之知緣生此記乖矣渭水又東石川水南注焉
渭水又東戲水注之水出麗山馮公谷東北流又北
逕麗戎城東春秋晉獻公五年伐之獲麗姬于是邑
麗戎男國也姬姓秦之麗邑矣又北右總三川逕鴻
門東又北逕戲亭東應劭曰戲宏農湖縣西界也地
隔諸縣不得為湖縣西案渭水右逕新豐縣故城北
至此原本及近刻竝訛在南
出符石下考鄠縣在今臨潼縣西北新豐故城在臨
潼縣東北渭水逕鄠縣而東與新豐地相連比今改

水經注 卷十九

正蘇林曰戲邑名在新豐東南四十里案四近刻孟訛作三

康曰乃水名也今戲亭是也昔周幽王悅褒姒不

笑王乃擊鼓舉烽以徵諸侯諸侯至案近刻脫諸侯二字無寇

褒姒乃笑王甚悅之及犬戎至王又舉烽以徵諸侯

諸侯不至遂敗幽王于戲水之上身死于麗山之北

故國語曰幽滅者也漢成帝建始二年造延陵為初

陵以為非吉于霸曲亭南更營之案近刻脫吉字于字鴻嘉元

年于新豐戲鄉為昌陵縣以奉初陵永始元年詔以

昌陵卑下客土疏惡不可為萬歲居其罷陵作令吏

民反故徙將作大匠解萬年燉煌案萬近刻訛作延關中記

曰昌陵在霸城東二十里取土東山與粟同價所費

巨萬積年無成即此處也戲水又北分為二水竝注

渭水渭水又東冷水入焉水南出肺浮山蓋麗山連

麓而異名也北會三川統歸一壑案一近刻訛作三歷陰槃

新豐兩原之間北流注于渭渭水又東酋水南出倒

虎山案酋近刻訛作首又脫出字西總五水單流逕秦步高宮東

案流下近刻衍注字世名市丘城案市丘近刻訛作立市歷新豐原東而

北逕步壽宮西又北入渭渭水又東得西陽水又東

水經注 卷十九 渭水 五

得東陽水竝南出廣鄉原北垂俱北入渭

案蘇林曰戲邑名至

此原本及近刻竝訛在後鄭縣令裴畢字君先立下今考文義乃敘戲水所逕首尾連貫不得雜于東西

石橋水渭水又東逕下邳縣故城南秦伐邾置邾戎

于此有上邳故加下也渭水又東與竹水合水南出

竹山北逕媚加谷

案媚近刻作郿

歷廣鄉原東俗謂之大赤

水北流注于渭渭水又東得白渠口大始二年趙國

中大夫白公奏穿渠引涇水首起谷口

案首近刻訛作口

出

于鄭渠南名曰白渠民歌之曰田于何所池陽谷口

鄭國在前白渠起後

案起近刻訛作在

即水所始也

案始近刻訛作

治東逕宜春城南又東南逕池陽城北枝瀆出焉東

南歷藕原下

案歷近刻作逕

又東逕鄠縣故城北

案近刻脫又東二字

東南入渭今無水白渠又東枝渠出焉東南逕高陵

縣故城北地理志曰左輔都尉治王莽之千春也太

康地記謂之曰高陸也車頻秦書曰苻堅建元十四

年

案近刻作十二年

高陸縣民穿井得龜大二尺六寸背文

負八卦古字堅以石為池養之十六年而死取其骨

以問吉凶名為客龜大卜佐高魯夢客龜言

案近刻脫魯字

我將歸江南不遇死于秦魯于夢中自解曰

案魯近刻訛作

曾龜三萬六千歲而終終必亡國之徵也為謝元破

于淮肥自縊新城浮圖中秦祚因即淪矣又東逕櫟

陽城北史記秦獻公二年城櫟陽自雍徙居之十八

年雨金于是處也項羽以封司馬欣為塞王按漢書

高帝克關中始都之案近刻脫克字王莽之師亭也案亭近刻訛作

高後漢建武二年封驃騎大將軍景丹為侯國丹讓

世祖曰富貴不還故鄉如衣錦夜行故以封卿白渠

又東逕秦孝公陵北又東南逕居陵城北蓮芍城南

又東注金氏陂又東南注于渭故漢書溝洫志曰白

渠首起谷口案近刻脫白字尾入櫟陽是也今無水案渭水又東逕

下邳縣故城南至此原本及近刻竝訛在前分卑尊之名者也下考下邳故城在今渭南縣東北直新豐

之東鄭縣之西不得雜入成國渠中今改正

又東過鄭縣北

渭水又東逕轡都城北故蕃邑殷契之所居世本曰

契居蕃闕駟曰蕃在鄭西然則今轡城是矣俗名之

赤城水曰赤水非也苻健入秦據此城以抗杜洪小

赤水即山海經之灌水也水出石脆之山北逕蕭加

谷于孤柏原西案相近刻訛作相東北流與禹水合案禹近刻訛作

愚水出英山北流與招水相得案此下近刻衍水字亂流西北

注于灌灌水又北注于渭案經文又東過鄭縣北至此原本訛在前又逕藕原

東東南流注于渭後朱謀埠本訛在謂之馬冢後辯詳又東過霸陵縣北下渭水又東西

石橋水南出馬嶺山積石據其東麗山距其西源泉

上通懸流數十與華岳同體其水北逕鄭城西水上

有橋橋雖崩褫舊跡猶存東去鄭城十里故世以橋

名水也而北流注于渭闕駟謂之新鄭水渭水又東

逕鄭縣故城北史記秦武公十年縣之鄭桓公友之

故邑也漢書薛瓚注言周自穆王已下都于新鄭不

得以封桓公也幽王既敗虢儉又滅遷居其地國于

鄭父之丘是為鄭桓公無封京兆之文余按遷史記

考春秋國語世本言周宣王二十二年封庶弟友于

鄭又春秋國語竝言桓公為周司徒以王室將亂謀

于史伯而寄帑與賄于虢儉之間幽王賁于戲案賁近刻

作鄭桓公死之平王東遷鄭武公輔王室滅虢儉而

兼其土故周桓公言于王曰我周之東遷晉鄭是依

乃遷封于彼案乃近刻訛作及左傳隱公十一年鄭伯謂公

孫獲曰吾先君新邑于此其能與許爭乎是指新鄭

為言矣

案是下近刻衍其字

然班固應劭鄭元皇甫謐裴頠王

隱闕駟及諸述作者咸以西鄭為友之始封

案此下近刻有

也賢于薛瓚之單說也無宜違正經而從逸錄矣赤

眉樊崇于郭北設壇

案郭近刻訛作鄭

祀城陽景王而尊右

拔卒史劉俠卿牧牛兒盆子為帝年十五被髮徒跣

為具絳單衣牛頭赤幘直綦履顧見眾人拜恐畏欲

啼號年建世後月餘乘白蓋小車與崇及尙書一人

相隨向鄭北渡渭水即此處也城南山北有五部神

廟東南向華岳廟前有碑後漢光和四年鄭縣令河

東裴畢字君先立

案渭水又東西石橋水至此原本及近刻竝訛在又逕符禺之山北

流入于渭下考西石橋水東去鄭城十里西則灌水而符禺之水遠在華陰之東今改正渭水又

東與東石橋水會

案近刻脫東字

故沈水也水南出馬嶺山

北流逕武平城東按地理志左馮翊有武城縣王莽

之桓城也石橋水又逕鄭城東水有故石梁述征記

曰鄭城東西十四里

案近刻脫西字

各有石梁者也又北逕

沈陽城北

案近刻脫陽字

注于渭

案近刻脫此三字

漢書地理志左

馮翊有沈陽縣王莽更之曰制昌也蓋藉水以取稱

矣渭水又東敷水注之水南出石山之敷谷北逕告

平城東者舊所傳言武王伐紂告太平于此故城得厥名非所詳也敷水又北逕集靈宮西地理志曰華陰縣有集靈宮武帝起故張昶華嶽碑稱漢武慕其靈築宮在其後而北流注于渭渭水又東糧餘水注之案近刻脫糧字水南出糧餘山之陰案糧近刻訛作良北流入于渭俗謂之宣水也渭水又東合黃酸之水世名之為千渠水案千近刻訛作于水南出升山北流注于渭渭水又東逕平舒城北城側枕渭濱半破淪水南面通衢昔秦始皇之將亡也江神素車白馬道華山下返璧于

華陰平舒道曰為遺鎬池君使者致之乃二十八年渡江所沈璧也即江神返璧處也渭水之陽即懷德縣界也城在渭水之北沙苑之南即懷德縣故城也世謂之高陽城非矣地理志曰禹貢北條荆山在南山下有荆渠即夏后鑄九鼎處也王莽更縣曰德驩渭水又東逕長城北長澗水注之水南出太華之山側長城東而北流注于渭水史記秦孝公元年楚魏與秦接界魏築長城自鄭濱洛者也又東過華陰縣北

洛水入焉闕駟以為漆沮之水也案近刻曹瞞傳曰

操與馬超隔渭水每渡渭輒為超騎所衝突地多沙

不可築城婁子伯說今寒可起沙為城以水灌之一

宿而成操乃多作縑囊以堙水夜汲作城比明城立

案近刻脫比于是水之次也渭水逕縣故城北春秋

之陰晉也秦惠文王五年改曰寧秦漢高帝八年更

名華陰王莽之華壇也案壇近刻縣有華山山海經

曰其高五千仞削成而四方遠而望之又若華狀西

南有小華山也韓子曰秦昭王令工施鉤梯上華山

以節柏之心為博箭長八尺綦長八寸而勒之曰昭

王嘗與天神博于是神仙傳曰中山衛叔卿嘗乘雲

車駕白鹿見漢武帝帝將臣之叔卿不言而去武帝

悔求得其子度世令追其父度世登華山案近刻見

父與數人博于石上勅度世令還山層雲秀案近刻

山故能懷靈抱異耳山上有二泉東西分流至若山

雨滂湃洪津泛灑挂溜騰虛直瀉山下有漢文帝廟

案近刻訛作漢廟有石闕數碑一碑是建安中立漢

鎮遠將軍段煨更脩祠堂碑文漢給事黃門侍郎張

昶造昶自書之文帝案近刻訛作元帝又刊其二十餘字二

書存垂名海內案垂近刻訛作重又刊侍中司隸校尉鍾繇

宏農太守母丘儉姓名廣六行鬱然脩平案脩近刻訛作循

是太康八年宏農太守河東衛叔始為華陰令河東

裴仲恂役其逸力脩立壇廟夾道樹柏迄于山陰事

見永興元年華百石所造碑渭水又東沙渠水注之

水出南山北流西北入長城案近刻訛作長安城城自華山北

達于河案達近刻訛作逕華嶽銘曰秦晉爭其祠立城建其

左者也郭著述征記指證魏之立長城長城在後不

得在斯斯為非矣案近刻得下行言字脫一斯字渠水又北注于渭

案渭水又東與石橋水會至此原本及近刻並訛在前廣鄉原北垂俱北入渭下考石橋水逕鄭城東而

廣鄉原在今渭南縣東南于地遠隔今改正三秦記曰長城北有平原廣

數百里民井汲巢居井深五十尺案此二十四字原本及近刻並訛在

前亦曰長山也下長城訛作長安城考上言長城自華陰達于河即今華陰縣東長城遺址是也近華山之麓故地高而井深不得

雜入成國渠中今改正渭水又東逕定城北西征

記曰城因原立案近刻訛作土述征記曰定城去潼關三十

里夾道各一城渭水又東泥泉水注之水出南山靈

谷而北流注于渭水也案而下近刻衍泉字渭水又東合沙渠

水案渠近水即符禹之水也案禹近刻南出符石案

刻作溝水又東逕定城北至此原本及又逕符禹之山北流

近刻即接渠水又北注于渭下入于渭案此十一字原本訛在長安城北門也下朱

觀愚考其文義係敘符禹之水所終今改正

東入于河

春秋之渭汭也左傳閔公二年虢公敗犬戎于渭隊

服虔曰隊謂汭也杜預曰水之隈曲曰汭王肅云汭

入也呂忱云汭者水相入也水會即船司空所在矣

地理志曰渭水東至船司空入河服虔曰縣名都官

三輔黃圖有船庫官後改為縣王莽之船利者也

水經注卷十九

水經注

卷十九 渭水

七



